



KREANDO PROSPERIDAT DOR DI KONEKTÁ OPORTUNIDATNAN DI INVERSHON KU INVERSHONISTANAN

SKINA DI INVERSHONISTA

Publikashon 10. 2018

Un kuenta di invershon; Mi mester buska unu?

“Nunka dependé di un solo entrada. Hasi un invershon i krea un di dos fuente.”

Warren Buffet

Pa prinsipiantenan i asta pa invershonistanan madurá, e echo di tin un kuenta di invershon por ta hopi benefisioso pa manchá bo aktividatnan i strategianan di invershon. Un kuenta di invershon ta un tipo di kuenta spesial ku ta fasilitá aktividatnan di invershon inkluyendo e hasimentu di negoshi ku aktivonan di invershon, manera kompra i benta di akshonnan, bono, divisa estranhero i otro tipo di papelnan di balor. E kuantanan aki normalmente ta wòrdu ofresé komo un produkto òf servisio dor di un Kompania di Maneho di Aktivonan ku tin profeshonalnan di invershon eduká i ku hopi eksperensia pa yuda bo ku bo metanan di kreashon di rikesa i di kresementu.

Manera bo por imaginá bo sierto kuantanan di invershon ta duna aksesu na oportunitatnan di invershon hopi tékniko, kaminda bo konosementu di invershon ta krusial i mester ta mas ku básiko. Ta eksistí otro kuantanan di invershon ku ta kita e kibramentu di kabes tokante e tumamentu di desishon riba invershon i ku ta ofresé solushonnan ku ta konsistente ku e riesgo ku bo ta dispuesto di tuma. E gama di opshonnan eifó ta infinito.

Si bo ta serio tokante hasimentu di invershon, lo ta un basta bon idea pa bo tin por lo ménos un di e kuantanan di invershon aki. E leinan lokal a kambia resientemente pa akomodá e tipo di kuantanan aki. Pero, promé ku bo bula aden, ata un par di tep simpel ku lo mi rekomendá pa bo konsiderá promé ku bo kuminsá:

1. ***E kompania tin un pèrmit?*** Sòru ku e Kompania di Invershon ku bo a selektá pa habri e kuenta di invershon serka dje tin un pèrmit di e reguladó di Kòrsou pa ofresé servisionan di Maneho di Invershon. Esaki ta krusial pasobra solamente kompanianan ku pèrmit a pasa den e due diligence relevante di e tim di maneho i direktornan i tambe a pasa den e evaluashon di e operashonnan i maneho di e kompania. E reguladó final di Kompanianan di invershon ta e Banko Sentral di Kòrsou i Sint Maarten. Den kaso di duda tuma kontakto ku e Banko Sentral pa konfirmashon di kompanianan ku pèrmit.
2. ***E Ofisialnan ta Sertifiká?*** Sòru ku e prinsipalnan i individuonan ku ta ofresé bo e servisio i e kuenta ta eduká pa ofresé konsehonan relashoná na invershon. Nan ta kompetente basá riba nan kalifikashonnan? Kiko ta nan área di ekspertisio i eksperensia? Nan ta registrá serka entidatnan profeshonal relashoná ku invershonnan?
3. ***Keda leu di sistemanan di bira riku lihé.*** Tene kuenta ku opshonnan ku ta “muchu bon pa ta bèrdat” ku tin eifó. E kuenta di invershon ta primintí rendimentunan ku ta muchu bon pa kere; rendimentunan ku ta difisil pa gana kualke otro kaminda? Promé ku bo bai di akuerdo pa habri un kuenta, ta importante pa determiná si bo ta invirtiendo den un estafa òf un oportunitat di invershon legítimo.
4. ***Kon kompetitivo e tarifanan ta?*** Puntra tokante e tarifanan na kuminsamentu di e relashon, promé ku bo firma pa e kuenta. Evaluá lo siguiente: Kiko ta e tarifanan ku ta wòrdu kobrá? Nan ta mas haltu òf mas abou ku e kompetensia? Tin tarifanan skondí? Kòrda, tarifanan ekstremadamente haltu por kome e rendimentunan ku bo ta gana riba e kuenta, pues sòru ku bo evaluá esaki promé.
5. ***E produkto òf servisio ta kuadra ku bo metanan i apetit pa riesgo?*** Ora ta disidí riba kua papel di aktivonan pa invertí aden, e pregunta mas importante pa hasi ta – mi por karga e riesgo di e invershon aki? Si e kontesta ta nò, e ora ei lo ta prudente pa bo keda leu for di dje. Ora ta selektá un kuenta di invershon, chèk pa wak si tin vários opshon di invershon ku ta satisfasé e riesgo ku bo por manehá. E tin solushonnan pa prinsipiantenan, kendenan por tin konosementu di invershon limitá i kendenan por ta lo

no ke tuma hopi riesgo? E tin opshonnan pa nivelnan di riesgo mas haltu, pa invershonistanan kendenan a gradua pa opshonnan invershonista mas sofisticá? Mas importante, tin suficiente detayenan disponibel tokante kada un di e produktonan i servisionan aki? Mas informashon ku wòrdu proveé dor di e kompanianan tokante nan produktonan i servisio, ta hasi mas mihó pa bo por disidí kiko ta den bo mihó interes.

6. ***Tin benefisionan adishonal?*** Algun kuenta di invershon ta ofresé hopi kos èkstra ku ta hasi bo eksperensia di invershon mas bale la pena. Algun ta ofresé reportahe mensual òf pa kuartal tokante e saldo i prestashon di bo kuenta. Algun ta ofresé aksesu online 24/7 na bo kuenta i bo desishonnan di invershon, den bo mes tèmpo. E benefisionan adishonal aki, aunke ku nan no ta crítico riba entrega di servisio, por ta hopi útil i por yuda bo dor di duna bo pas mental.

Sigui Skina di Invershonista pa tur kos ku bo mester sa tokante Kreashon di Rikesa!

E editorial aki a wòrdu presentá na bo pa DCSX ku kolaborashon di Vertex Investments.

Outor di e publikashon aki: Stephanie Shaw CFA, MBA.

